

元代地理方志 上卷



元代地理方志 上卷

元
代
史料
叢刊
初編

黃山書社

欽定四庫全書

至大金陵新志卷十二下

元 張鉉 撰

古蹟志

第宅

張昭宅

淮水南對瓦棺寺張侯橋所因宅而名丹陽記大長干寺西有張子布宅

是儀宅

在西明門臺城之西最北門也

駱監軍宅

上元縣東二十五里崇禮鄉上山之下父老傳云吳監軍駱統宅也

欽定四庫全書

至大金陵新志

諸葛恪宅

唐舊縣東二里古玄風觀前橫路南南接青溪其東即江令宅也

陸機宅

在秦淮側又金陵故事臨秦淮有二陸讀書堂其跡猶在

王導宅

烏衣巷中南臨驃騎航

謝安宅

在烏衣巷口驃騎航之側乃秦淮南岸謝萬居之北

謝尚宅

舊江寧縣東南一里二百步永和四年捨宅造寺名莊嚴今斗門橋北東岸是其處

謝萬宅

長樂橋東傍丹陽郡城今桐樹灣東

紀瞻宅

在烏衣巷

郝鑒宅

在青溪上

吳隱之宅

在城東南五里

杜姥宅

舊江寧縣東北三里輿地志云宅在端門外直蘭臺路東晉成帝恭皇后杜氏母裴氏即杜弘

冶之妻名穆孝武帝封為廣德縣君初穆渡江宅於南掖門外時已壽考故呼為杜姥

宋檀道濟宅

在青溪

何尚之宅

南澗寺側今城南落馬澗也

沈慶之宅

在城東南十里慶之本居古清明門外有宅四所屋宇甚麗一夕徙居婁湖園中

謝幾卿宅

府城東南十八里古白楊巷之石井

建平王劉宏第

雞籠山

欽定四庫全書

至大金陵新志

絕宅地

舊志云江寧縣南三里古太社西有凶地三畝晉周顗司馬秀蘇峻袁真皆宅于此悉以禍敗

宋王僧綽曰大丈夫當以正道自居何宅之有凶吉尋為元凶所害

齊武帝舊宅

在青溪城東一里臨秦淮是其地

蕭子良宅

鍾山西

蕭坦之宅

在東府城東今府城東二里傍秦淮

劉子□宅

城東二十五里青龍山之前

宋王僧虔宅

在馬糞巷見巷內

梁武帝宅

府城東南七里光宅寺基是

沈約宅

鍾山之下
名東田

朱异宅

在府城東北异及諸子自廟溝列宅至青溪有臺池玩好暇日與賓客遊其地

范雲宅

府城東南七里何遜有經范將軍三橋故宅詩

宋到溉宅

第臨淮水

伏曼容宅

府治西南三里

伏挺宅

府城北潮溝上

陳韋載宅

在江乘縣之北山築室屏絕人事不入籬門者幾十載事見陳史

江總宅

青溪大橋北與孫瑒宅對夾青溪慶元志在上元縣東百餘步也

欽定四庫全書

至大金陵新志

孫瑒宅

青溪大橋東其
西即江總宅

唐顧況宅

皇甫湜顧況集序云況以文入仕佐著作為
衆所排起屋茅山飄然若將續古之仙以壽

終慶元志顧著作

山房在葛蒲潭

柳郎中故居

在茅山

宋子嵩宅

齊江宅在
國子監巷

南唐韓熙載宅

宅在城南
戚家山

孫晟宅

鳳臺山西岡壠之曲韓熙載見門巷卑陋謂
曰湫隘若此豈稱為相第邪明年果拜相

徐鉉宅

攝山栖霞寺西
今日陶庄是也

晉許長史宅

在句容雷平山西
北南有井後為觀

宋王荊公宅

半山
寺是

蔡寬夫宅

宋貢院基是也南牕紀談云蔡寬夫侍郎治第於金陵青溪之南穴地為池數尺之下見

有瓦礫及米糝匕筯數千蔡驚異命工愈掘之又深尺餘有釜鑊瓦錫之器甚多皆破碎交錯仆壓于下竈下葦灰猶存又窮其傍大抵皆人居也然後知其下前代為平地經六朝喪亂瓦礫糞壤積而至此高岸為谷深谷為陵豈不信哉

李琮宅

在江寧鎮橋西
今植槐尚存

湖陰先生居

楊德逢號湖陰先生丹陽陳輔每清明金陵上冢至蔣山過其居清談終日歲為常

欽定四庫全書

至大金陵新志

後頻歲訪不遇題一絕於門云北山松粉未飄花白下
風輕麥脚斜身似舊時王謝燕一年一度到君家楊歸
見吟賞久之稱之於荆公公笑曰此
正戲君為尋常百姓爾楊亦大笑

狀元張孝祥宅

陵墓

古越王塚

在句容縣王名翳周安王時薨
葬句容大橫山下今不知其處

吳大帝陵

蔣山陽去城
一十五里

步夫人陵

吳志赤烏元年追拜夫人步氏為皇后後合
葬蔣陵今蔣廟西南有孫陵岡上有步夫人

墩墩側有夫人塚其地也

宣明太子墳

吳志太子登初塋句容後三年移塋鍾山西蔣陵

廢帝陵

晉戴顯迎塋丹陽之賴鄉

晉元帝陵晉明帝陵晉成帝陵晉哀帝陵

實錄元帝永昌元年塋建

平陵明帝太寧三年塋武平陵成帝咸康八年塋興平陵哀帝興寧三年塋安平陵四陵並在雞籠山陽皆不

起墳

晉康帝陵晉簡文帝陵晉孝武帝陵晉安帝陵晉恭帝陵

實錄康帝建元三年塋崇平陵簡文帝咸安二年塋高

平陵孝武帝太元二十一年塋隆平陵安帝義熙十四

年崩明年塋休平陵恭帝元熙

二年塋冲平陵五陵並在鍾山

欽定四庫全書

至大金陵新志

晉穆帝陵

幕府山前近西里俗相傳穆天子墳即其地也

宋武帝陵

實錄宋高祖永初三年葬蔣山初寧陵周三十五步高丈四尺宋政和間有人於蔣廟側

得一石柱題云

初寧陵西北隅

少帝陵

在南郊壇

文帝陵

元嘉三十年葬長寧陵上元縣東北二十五里周三十五步高丈八尺與武帝陵相近

袁后陵

即文帝后合葬長寧陵

孝武帝陵

在丹陽秣陵縣巖山名景寧陵今上元縣南四十里巖山陽

前後廢帝陵

皆在丹陽秣陵縣南郊壇西宋太宗踐祥遷前廢帝何皇后合葬龍山北

明帝陵

懷府山陽西與王導墳相近山前有墳
壠晉穆帝陵在山南或以西為明帝墓

孝武路太后葬脩寧陵

在孝武
陵東南

殷淑妃墓

在龍
山

明宣沈太后陵

在幕府山寶林寺西南有墳
壠相傳為國婆墳疑即沈后

齊文惠太子陵

墓夾
石

豫章王嶷墓

在金
牛山

明敬劉皇后陵

淳化鎮之北
去城三十里

竟陵王子良墓

金牛
山南

欽定四庫全書

至大金陵新志

梁蕭墓塢

上元縣東三十五里
或云蕭梁帝陵未詳

昭明太子陵

城東北四十五里賈山前即夾石與齊
文惠太子同處排陵並塋名安寧陵

文宣院太后陵

在江寧縣
通望山

孝元帝陵

陳天嘉元年詔梁孝元遭罹多難靈輿播越
朕昔經北面有異常倫遣使迎接已次近路

江寧既是舊塋宜即安卜車旗禮
章悉用梁典故依魏葬漢獻帝故事

陳高祖陵

上元縣東崇禮鄉地名陵里有曰天子陵有
麒麟二里俗相傳即陳高祖墓也去城二十

五里名

萬安陵

文帝陵

上元縣東北陵山之南
今鴈門山北名永寧陵

張麗華墓

在賞心亭天井中間有光氣如匹練掬之如水銀流散蓋地中有所藏爾

左伯桃墓羊角哀墓

並在溧水州南四十五里儀鳳鄉孔鎮南大驛路西

西漢甄邯墓

在後湖側南史宋張永嘗開玄武湖遇古塚塚上得一銅斗有柄文帝以訪朝士著

作卽何承天曰此亡新歲斗王莽時三公亡皆賜之一在塚外一在塚內時三台居江左者惟甄邯為大司徒必邯之墓又啓塚內更得一斗復有一石銘云大司徒甄邯墓按斗為天之喉舌斟酌元氣運平四時故貴器取象焉今世發古塚間有此斗豈莽之前已有是制歟

後漢史君崇墓

溧陽州北三十里有碑

溧陽侯陶謙墓

在溧陽州

欽定四庫全書

至大金陵新志

吳張悌墓

見本傳

甘寧墓

在直瀆山下

丞相萬彧墓

在溧陽州南五十里惠德鄉銀方山下

葛玄墓

吳太極左僊翁葛玄墓在句容縣西南一里郡國志句曲有葛玄塚

諸葛恪墓

舊府志及句容縣志皆言在句容石子岡今考恪墓實在城西南

荊將軍墓

在溧水州南四十五里因羊左墓互見

晉山簡墓

在樂遊苑內

溫嶠墓

初葬豫章朝廷追思之乃為造大墓還塋元明陵北幕府山陽

郭璞墓

玄武湖中有大墩里
俗相傳曰郭璞墓

卞壺墓

在冶城

王導墓

見前宋
明帝陵

謝安墓

城南九里
梅嶺岡

王濛墓

高亭
湖側

王祥墓

城西南八十里化成寺北
有斷碑戚氏註云近姑熟

衛玠墓

新亭東去
城二十里

許穆墓

句容縣西一里
晉護軍長史